



Ikerketa Operatiboa

Kudeaketaren eta Informazio Sistemen Informatikaren Ingeniaritza

Bilboko Ingeniaritza Eskola

Programazio Lineala. Simplex metodoa

- 2.1 Sarrera
- 2.2 Ebazpen grafikoa
- 2.3 Definizio gehigarriak
- 2.4 Sentikortasun analisia
- 2.5 Problemaren forma estandarra
- 2.6 Simplex metodoaren oinarrizko definizioak
- 2.7 Simplex metodoa
- 2.8 Zigortze metodoa
- 2.9 Bi faseko metodoa

Programazio Lineala. Simplex metodoa

► 2.1 Sarrera:

Programazio matematikoa alternatiba anizkoitzak dituzten problemetan baliabide mugatuen esleipen optimoa zehazteko erabiltzen den prozedura analitikoa da. Onargarrienak diren erabakiak hartzeko funtsezko tresna bat da.

Orokorrean, erabakitzaileak irabaziak maximizatu edo galerak minimizatu nahi ditu.

Funtsean, loturak dituzten optimizazio problemak ebaztean datza:

optimizatu	$f(X)$
non	$X \in \Psi \subseteq \mathbb{R}^n$
non	X erabakiak
	f helburu funtzioa
	Ψ lotura multzoa (gehienetan multzo-ganbila) diren

Programazio Lineala. Simplex metodoa

Kasurik errazena **Programazio Lineala** da, non loturak eta helburu funtzioa linealak diren.

$$\begin{aligned} \text{optimizatu } z &= \sum_{i=1}^n c_i x_i \\ \Psi : \quad \sum_{j=1}^n a_{ij} x_j &\leq (\geq) b_i \quad i = 1, 2, \dots, m \\ x_i &\geq 0 \quad \forall i \in \{1, \dots, m\} \end{aligned}$$

non x_i erabaki-aldagaiak, c_i helburu funtzioko koefizienteak, a_{ij} murrizketetako (loturetako) koefizienteak eta b_i gai askeak diren.

Programazio Lineala. Simplex metodoa

Formulazio mistoa:

$$\begin{array}{ll} \text{optimizatu} & C^T X \\ \text{non} & AX \leq B \\ & X \geq 0 \end{array}$$

edo

$$\begin{array}{ll} \text{non} & X^T = (x_1, x_2, \dots, x_n) \in R^n \\ & B^T = (b_1, b_2, \dots, b_m) \in R^m \\ & A = (a_{ij}) \in \mathbb{R}^{n+m} \\ & C^T = (c_1, c_2, \dots, c_n) \in R^n \end{array}$$

$$\begin{array}{ll} \text{optimizatu} & C^T X \\ \text{non} & A_1 X \leq B_1 \\ & A_2 X \geq B_2 \\ & A_3 X = B_3 \\ & X \geq 0 \end{array}$$

c_i helburu funtzioko koefizienteak, a_{ij} murrizketetako koefizienteak, b_i gai askeak eta x_i erabakiak diren

Programazio Lineala. Simplex metodoa

f funtzioa maximizatzea $-f$ funtzioa minimizatzea da, hortaz optimoa puntu bera da

$$\max f(X) = -\min (-f(X))$$

Beraz, maximizazio eran idatzita dagoen edozein problema minimizazio eran ere idatz daiteke, eta alderantziz.

Bestalde, \geq motako edozein desberdintza \leq eran idatz daiteke

Ondorioz, PLko problema bat **forma kanonikoan** idatz daiteke:

$$\min C^T X$$

$$\text{non } AX \geq B$$

$$X \geq 0$$

edo

$$\max C^T X$$

$$\text{non } AX \leq B$$

$$X \geq 0$$

Programazio Lineala. Simplex metodoa

► 2.2 Ebazpen grafikoa:

PLko problemak bi aldagai dituenean problema grafikoki interpreta eta ebatz daiteke, horretarako ondorengoak kontuan izanik:

- murrizketa multzoa
- onarpen eremua
- helburu-funtzioa
- helburu funtzioaren gradientea

Onarpen eremua murrizketa-multzoa betetzen dituzten puntuek sortzen duten multzoa da

Programazio Lineala. Simplex metodoa

PLko problema grafikoki ebazteko ondorengo pausuak jarraitu behar dira:

1. Murrizketak irudikatu
2. Onarpen eremua zehaztu
3. Helburu funtzioa irudikatu
4. Helburu funtzioaren gradientea kalkulatu
5. Problema maximizazio problema bat bada funtzioa gradientek zehazten duen noranzkoan mugitu/ Problema minimizazio problema bat bada helburu funtzioa gradientek zehazten duen aurkako noranzkoan mugitu
6. Optimoa lortu

Dauden kasu desberdinak adibideen bidez garatuko ditugu.

Programazio Lineala. Simplex metodoa

Soluzio bakarra duen problema

$$\begin{aligned}\max \quad z = & 2x_1 + x_2 \\ & x_1 + x_2 \leq 6 \\ & x_1 - 2x_2 \leq 2 \\ & -4x_1 + 3x_2 \leq 12 \\ & x_1, x_2 \geq 0\end{aligned}$$

Programazio Lineala. Simplex metodoa

Soluzio anizkoitza duen problema

$$\begin{aligned}\max \quad z = & x_1 + x_2 \\ & x_1 + x_2 \leq 6 \\ & x_1 - 2x_2 \leq 2 \\ & -4x_1 + 3x_2 \leq 12 \\ & x_1, x_2 \geq 0\end{aligned}$$

Programazio Lineala. Simplex metodoa

Problema mugatugabea

$$\begin{aligned}\max \quad z &= 2x_1 + x_2 \\ x_1 - 2x_2 &\leq 2 \\ -4x_1 + 3x_2 &\leq 12 \\ x_1, x_2 &\geq 0\end{aligned}$$

Programazio Lineala. Simplex metodoa

Problema bidera ezina


$$\begin{aligned}\max \quad z &= x_1 + x_2 \\ 2x_1 + x_2 &\leq 5 \\ x_1 &\geq 4 \\ x_1, x_2 &\geq 0\end{aligned}$$

Programazio Lineala. Simplex metodoa


► 2.3 Definizio gehigarriak

- $A \subseteq \mathbb{R}^n$ **multzoa ganbila** dela esaten da baldin eta soilik baldin:

$$\forall x_1, x_2 \in A \Rightarrow \lambda x_1 + (1 - \lambda)x_2 \in A \text{ non } \lambda \in [0, 1] \text{ den}$$



Multzo ganbila




Multzo ez-ganbila


Hau da, \mathbb{R}^n -ko A multzoa ganbila da baldin eta multzo hutsa bada, multzoak puntu bakarra badu edo multzoko edozein bi puntutarako bi puntuak lotzen dituen segmentua multzoaren barnean badago.

Programazio Lineala. Simplex metodoa

- $P \subset \mathbb{R}^n$ azpimultzoa **politopoa** da baldin hiperplano kopuru finitu batek murrizten duen multzoa bada. Gainera P bornatua badago, orduan **poliedroa** da.




Politopoa



Poliedroa

Programazio Lineala. Simplex metodoa

- Multzo ganbiletan hiru puntu mota desberdin daude:
 - Barne-puntuak
 - Muga-puntuak
 - Erpinak
- Izan bedi $P \subset \mathbb{R}^n$ multzo ganbila, P multzoko **erpinak** P multzoko beste puntuen konbinazioa lineal gisa idatzi ezin diren puntuak dira.



Programazio Lineala. Simplex metodoa

► 2.4 Sentikortasun-analisisa grafikoaren bidez

Problemaren soluzio optimoa lortu ondoren parametroetan egon daitezkeen aldaketek soluzioari nola eragiten dioten aztertzen da.

Arrazoia praktikan problemen koefizienteak ziurgabeak izaten direla da.

Sentikortasun-analisian optimoa aldatu gabe parametroak zein tarteetan mugi daitezkeen aztertzen da edo optimoa aldatzen bada zenbateko aldaketa eman den aztertzen da.

Bi aldagaien kasuan sentikortasun-analisisa grafikoki egin daiteke.

Programazio Lineala. Simplex metodoa

$$\max z = 5x_1 + 7x_2$$

$$8x_1 + 14x_2 \leq 63$$

$$10x_1 + 4x_2 \leq 45$$

$$x_1, x_2 \geq 0$$

- Soluzio optimoa lortu
- Helburu-funtzioko koefizienteak optimoa aldatu gabe nola alda daitezkeen aztertu
- Gai-askea txikitzean zer gertatzen den aztertu

Programazio Lineala. Simplex metodoa

► 2.5 Problemaren forma estandarra

Lasaiera-aldagaiak erabiliz desberdintza bat berdintza bilaka daiteke, lasaiera-aldagai hauek kostu nulua izaten duten aldagai positiboak izaten dira.

Hortaz, problema maximizazio problema bat bada eta desberdintzak \leq motakoak badira, lasaiera-aldagaiak batuz jartzen dira:

$$\begin{array}{ll}\max & C^T X \\ \text{non} & AX \leq B \\ & X \geq 0\end{array}$$

Forma kanonikoa

$$\begin{array}{ll}\max & C^T X \\ \text{non} & AX + X_h = B \\ & X, X_h \geq 0\end{array}$$

Forma estandarra

$$\begin{array}{ll}\max & C^T X \\ \text{non} & AX = B \\ & X \geq 0\end{array}$$

Lasaiera aldagaiak
X bektorean sartuz

Programazio Lineala. Simplex metodoa

Eta problema minimizazio problema bat bada eta desberdintzak \geq motakoak badira, lasaiera-aldagaiak kenduz jartzen dira:

$$\begin{array}{ll} \min & C^T X \\ \text{non} & AX \geq B \\ & X \geq 0 \end{array}$$

Forma kanonikoa



$$\begin{array}{ll} \min & C^T X \\ \text{non} & AX - X_h = B \\ & X, X_h \geq 0 \end{array}$$

Forma estandarra



$$\begin{array}{ll} \min & C^T X \\ \text{non} & AX = B \\ & X \geq 0 \end{array}$$

Lasaiera aldagaiak
X bektorean sartuz

PLko problema baten [forma-estandarra](#) lasaiera aldagaiak sartu ondoren lortzen den forma edo eredua da:

$$\begin{array}{ll} \max & C^T X \\ \text{non} & AX = B \\ & X \geq 0 \end{array}$$

edo

$$\begin{array}{ll} \min & C^T X \\ \text{non} & AX = B \\ & X \geq 0 \end{array}$$

Programazio Lineala. Simplex metodoa

Bukatzeko, problema bateko **murrizketak** **aktiboak** edo **inaktiboak** izan daitezke.

Murrizketa bat **aktiboa** dela esaten da bere lasaiera aldagaia nulua bada. Grafikoki murrizketa bat aktiboa da, optimoa edo puntu optimoak murrizketa horrek definitzen duen hiperplanoan badago /badaude.

Murrizketa bat **ez-aktiboa** dela esaten da bere lasaiera aldagaia nulua ez bada. Grafikoki murrizketa bat inaktiboa da, optimoa edo puntu optimoak murrizketa horrek definitzen duen hiperplanoan ez badago/badaude.

Programazio Lineala. Simplex metodoa

► 2.6 Simplex metodoaren oinarrizko teoremak

Izan bedi ondoko eredu lineala forma estandarrean:

$$\begin{array}{ll}\max & z = C^T X \\ \text{non} & AX = B \\ & X \geq 0\end{array}$$

$A \in M_{m \times n}(\mathbb{R})$, $c_i \in \mathbb{R}^n$, $x_i \in \mathbb{R}^m$ izanik.

Teorema: PL problema bateko soluzio bideragarrien multzoa (onarpen eremua) politopo ganbila da

Teorema: PLko minimizazio problema bateko onarpen eremua multzo ez-hutsa bada eta helburu funtzioa onarpen eremuan behe-bornatua badago, PLko problemak gutxienez soluzio bat du. PLko problema maximizazio problema bat bada, helburu funtzioa goi-bornatua egon behar da.

Programazio Lineala. Simplex metodoa

Definizioa: $Ax = b$ murrizketak betetzen dituen x bektorea problemako **soluzioa** dela esaten da

Definizioa: Problemako soluzioa den x bektorea **bideragarria** dela esaten da $x \geq 0$ bada

Definizioa: A matrizearen m zutabez osatutako B oinarri-matrize bat izanik, x_B **oinarrizko soluzioa** dela esaten da $Bx_B = b$ betetzen badu. x_B bektorearen osagai guztiak ez-negatiboak badira, **oinarrizko soluzio bideragarria** dela esaten da. Oinarrizkoak ez diren aldagai guztiak 0 dira, $x_N = 0$.

Definizioa: Oinarrizko soluzio bideragarri bat **endekatua** dela esaten da baldin oinarrizkoa den aldagairen batek 0 balioa hartzen badu. Oinarrizko soluzio bideragarriaren osagai guztiak 0 baino handiagoak badira oinarrizko soluzio bideragarri **ez-endekatua** dela esaten da.

Programazio Lineala. Simplex metodoa

Izan bedi

$$\begin{aligned}\max \quad z &= 4x + 3y \\ x - 2y &\geq -4 \\ 2x + 3y &\leq 13 \\ x - y &\leq 4 \\ x, y &\geq 0\end{aligned}$$

Programazio Lineala. Simplex metodoa

Teorema

Izan bedi $K \neq \emptyset$ PLko problema baten soluzio bideragarrien multzoa $\Rightarrow K$ multzo ganbila da.

Oharrak:

- PLko problema batek soluzio optimo finitua badu, optimoaren balioa poliedro bideragarriaren erpin bat da.
- Balio optimoa multzo bideragarriaren puntu bat baino gehiagotan lortzen bada, puntu horien konbinazio lineal ganbila den edozein puntutan ere lortzen da (soluzio anizkoitza)

Programazio Lineala. Simplex metodoa

Teorema:

- PLko problemak soluzio bideragarria badu, orduan oinarritzko soluzio bideragarria du
- PLko problemak soluzio optimo bideragarria badu, orduan oinarritzko soluzio bideragarri optimoa du

Teorema:

x PLko problemaren onarpen eremuko erpin bat da \longleftrightarrow x oinarritzko soluzio bideragarria da

Programazio Lineala. Simplex metodoa

Emaitza guzti hauek kontuan izanda, PLko problema bornatua badago optimoa lortzeko ondorengo pausuak jarrai daitezke:

1. PLko problema forma estandarrean idatzi
2. Problemaren oinarritzko soluzio bideragarri guztiak lortu eta helburu-funtzioa guztietan ebaluatu
3. Problema bornatua badago eta maximizatzen bagaude helburu-funtzio handiena ematen duen oinarritzko soluzio bideragarria aukeratu. Minimizatzen bagaude berriz helburu-funtzio minimoa ematen duen oinarritzko soluzio bideragarria aukeratu

ARAZOAK:

1. Problema bornatua egon behar da
2. Oinarritzko soluzio bideragarri guztiak kalkulatu behar dira

KONPONBIDEA: **Simplex metodoa**

Programazio Lineala. Simplex metodoa

► 2.7 Simplex metodoa

- Aurrean aipatutako kalkuluak sinplifikatu
- Problema bornatua edo ez-bornatua den zehazten du
- Bornatua den kasuan soluzio optimoa zehazten du

Metodo honek oinarritzko soluzio bideragarri batetik abiatuz, ondoz ondoko muturreko puntu berriak ematen ditu. Hau da, oinarritzko soluzio bideragarri batetik abiatuz ondoz ondoko soluzio bideragarri bat ematen du.

Definizioa: Bi oinarritzko soluzio bideragarri **ondoz ondokoak** direla esaten da, beraien arteko desberdintasun bakarra oinarritzko osagai bat bada.

Programazio Lineala. Simplex metodoa

Algoritmoa

Simplex algoritmoa minimizazio (maximizazio) kasuan ondorengoa da:

1. Pausua: Plko problema forma estandarrean idatzi:

$$\begin{array}{ll}\max & C^T X \\ \text{non} & AX = B \\ & X \geq 0\end{array}$$

non $b_i \geq 0$ diren, $b_i < 0$ bada murrizketa -1 zenbakiagatik biderkatu

2. Pausua: $(OA_1, OA_2, \dots, OA_m) = (x_1, x_2, \dots, x_m)$ hasierako oinarritzko soluzio bideragarria kalkulatu (gogoratu beste osagai guztiak nulua direla) eta Simplex metodoaren taula eraiki

Programazio Lineala. Simplex metodoa

		c_i	c_1	c_2	...	c_{n+m}
$C_{oinarrizkoa}$	$A_{oinarrizkoa}$	$B^{-1} \cdot b$	x_1	x_2	...	x_{n+m}
c_{B_1}	OA_1	x_{B_1}	$Y = B^{-1} \cdot A$			
c_{B_2}	OA_2	x_{B_2}				
...				
c_{B_m}	OA_m	x_{B_m}				
$Z = \sum_{k=1}^m c_{B_k} x_{B_k}$		z_j	z_1	z_2	...	z_{n+m}
		$z_j - c_j$	$z_1 - c_1$	$z_2 - c_2$...	$z_{n+m} - c_{n+m}$

Programazio Lineala. Simplex metodoa

3. Pausua: Kostu-murriztuak kalkulatu:

$$W_j = z_j - c_j = c_B^T y_j - c_j \quad \forall j \in \{1, 2, \dots, n + m\}$$

y_j $Y = B^{-1} \cdot A$ matrizearen j. zutabea izanik

$W_j = z_j - c_j \leq 0$ ($W_j = z_j - c_j \geq 0$) $\forall j \in \{1, 2, \dots, n + m\} \longrightarrow$ GELDITU, optimoa lortu dugu.

4. Pausua: Sartze-irizpidea:

Kalkulatu $W_j = \max_{k \in \{1, 2, \dots, n+m\}} z_k - c_k$ ($W_j = \min_{k \in \{1, 2, \dots, n+m\}} z_k - c_k$) \longrightarrow j. aldagaia oinarrian sartzen da

Programazio Lineala. Simplex metodoa

5. Pausua: Irtetze-irizpidea:

- $y_{ij} \leq 0$ bada, oinarrizkoak diren aldagai guztientzat (j aurreko pausuan zehaztutako zutabea izanik) \longrightarrow GELDITU, problema mugatugabea da
- Kontrako kasuan:

$$\frac{x_{B_i}}{y_{ij}} = \min \left\{ \frac{x_{B_k}}{y_{kj}} \mid y_{kj} > 0 \right\} \Rightarrow x_{B_i} \text{ aldagaia oinarritik irteten da}$$

6. Pausua: x_{B_i} aldagaia j. aldagaiagatik ordezkatu eta j. aldagaiaren zutabea (oinarrira sartzen den aldagaiaren zutabea) oinarri kanonikoko bektore bat agertzeko beharrezkoak diren kalkulu aljebraikoak egin.

Programazio Lineala. Simplex metodoa

Adibidea:

$$\min z = 2x_2 - 3x_3 + 2x_5$$

$$x_1 + 3x_2 - x_3 + x_5 = 6$$

$$-x_2 + 3x_3 + x_4 = 10$$

$$-4x_2 + 4x_3 + 8x_5 + x_6 = 12$$

$$x_i \geq 0 \quad i = 1, \dots, 6$$

Programazio Lineala. Simplex metodoa

Adibidea:

Bi ontzi mota desberdin egiteko, K eta L ontziak egiteko, M_1 eta M_2 makinak erabiltzen dira. K motako ontzi bat ekoizteko M_1 makinak 2 minutu eta M_2 makinak 4 minutu behar ditu. Era berean, L motako ontzi bat egiteko M_1 makinak 8 minutu eta M_2 makinak 4 minutu behar ditu. K motako ontzien irabazi-garbia unitateko 29 eurokoa da eta L motako ontzien irabazi-garbia unitateko 45 eurokoa da. Orduko irabazia maximizatzen duen ekoizpen-plana zehaztu

Programazio Lineala. Simplex metodoa

Adibidea:

$$\begin{aligned}\max \quad z = & -x_1 + 3x_2 \\ & -2x_1 + x_2 \leq 1 \\ & -x_1 + x_2 \leq 4 \\ & x_i \geq 0 \quad i = 1, 2\end{aligned}$$

Programazio Lineala. Simplex metodoa

Adibidea:

$$\max z = 60x_1 + 35x_2 + 20x_3$$

$$8x_1 + 6x_2 + x_3 \leq 48$$

$$4x_1 + 2x_2 + \frac{3}{2}x_3 \leq 20$$

$$2x_1 + \frac{3}{2}x_2 + \frac{1}{2}x_3 \leq 8$$

$$x_2 \leq 5$$

$$x_i \geq 0 \quad i = 1, 2, 3$$

Programazio Lineala. Simplex metodoa

► 2.8 Zigortze metodoa

PLko problemetan " $=$ " edo " \geq " motako murrizketak baldin badaude b positiboa izanik, posible da lasaiera-aldagaiak erabiliz oinarri kanonikoa ezin osatzea.

Konponbidea: Hasierako oinarri gisa kanonikoa aukeratzeko **aldagai artifizialak** izenez ezagutzen diren aldagai laguntzaile batzuk erabiltzea da.

Aldagai artifizial hauek helburu funtzioan zigortu egiten dira. Ondorioz:

- Problema minimizazio problema bat bada aldagai artifizialek helburu funtzioan M (behar bezain handia den) koefizientea izango dute.
- Problema maximizazio problema bat bada aldagai artifizialek helburu funtzioan $-M$ (behar bezain txikia den) koefizientea izango dute.

Programazio Lineala. Simplex metodoa

Algoritmoa

1. Pausua: Lasaiera aldagaiak erabiliz problema forma estandarrean idatzi
2. Pausua: " $=$ " edo " \geq " motako murrizketetan aldagai artifizialak sartu eta aldagai artifizial hauek helburu funtzioan penalizatu.
3. Pausua: Aldagai artifizialak erabiliz hasierako oinarrizko soluzio bideragarria lortu
4. Pausua: Simplex aplikatu.

Azken taulan aldagai artifizial baten balioa ez-nulua bada, problemak ez du soluziorik \Rightarrow Problema bideraezina da.

Programazio Lineala. Simplex metodoa

Adibidea:

$$\max \quad z = x_1 + x_2$$

$$-2x_1 + x_2 \leq 2$$

$$2x_1 + x_2 = 9$$

$$3x_1 + x_2 \geq 11$$

$$x_i \geq 0 \quad i = 1, 2$$

Programazio Lineala. Simplex metodoa

► 2.8 Bi faseko metodoa

Zigortzeko metodoaren antzekoa da.

PLko probleman lasaiera aldagaiak eta aldagai artifizialak gehitu ondoren aplikatzen da

$$\begin{array}{ll} \min & C^T X \\ \text{non} & AX \geq B \\ & X \geq 0 \end{array}$$

Forma kanonikoa



$$\begin{array}{ll} \min & z = C^T X \\ \text{non} & AX - Y = B \\ & X, Y \geq 0 \end{array}$$

Y Lasaiera aldagaiak
(Forma estandarra)



$$\begin{array}{ll} \min & z = C^T X \\ \text{non} & AX - Y + Q = B \\ & X, Y, Q \geq 0 \end{array}$$

Q Aldagai artifizialak

Programazio Lineala. Simplex metodoa

Metodo honek bi fase ditu:

1. fasea:

PLko problemako murrizketak baina helburu funtzio desberdina duen problema minimizatuko da. Helburu funtzio berria aldagai artifizialen batura izango da. Hau da ondorengo problema ebatziko da:

$$\begin{aligned} \min \quad & \sum_{i=1}^s q_i \\ \text{non} \quad & AX - Y + Q = B \\ & X, Y, Q \geq 0 \end{aligned}$$

Programazio Lineala. Simplex metodoa

Bi aukera daude:

1. Helburu funtzioaren balio optimoa zero baino handiagoa da, hau da,

$$\min \sum_{i=1}^s q_i > 0$$

bada, orduan jatorrizko problema bideraezina da.

2. $\min \sum_{i=1}^s q_i = 0$

eta aldagai artifizialak oinarritik kanpo daude \Rightarrow

Lortutako soluzioa hasierako oinarrizko soluzio bideragarria da

Programazio Lineala. Simplex metodoa

2. fasea:

Lehenengo fasean lortutako taula optimotik abiatuz eta jatorrizko PLko problemaren helburu funtzioa erabiliz (dagokien errenkada aldatuz) Simplex metodoa aplikatu.

Programazio Lineala. Simplex metodoa

Adibidea:

$$\begin{aligned}\min \quad z = & -3x_1 + 5x_2 \\ & x_1 \leq 4 \\ & x_2 \leq 6 \\ & 3x_1 + 2x_2 \geq 18 \\ & x_i \geq 0 \quad i = 1, 2\end{aligned}$$